

Reglamaint davart ils detagls da l'organisaziun, da la direcziun da gestiun, da spordscher contribuziuns da sustegn e da las incumbenzas dal secretariat da la Fundaziun Chasa Fliana, Lavin.

dals 15 avrigl 2021

Sün basa da l'art. 7 dals statüts per la Fundaziun Chasa Fliana, Lavin (in seguit: fundaziun) decida il cussagl da fundaziun (in seguit: cussagl):

Art. 1

La mera da la fundaziun es descritta in l'art. 2 dal documaint public, "Statüts per la Fundaziun Chasa Fliana, Lavin".

Mera da la fundaziun

Art. 2

¹ Il cussagl po iniziar agens projekts sco eir adgüdichar contribuziuns sün dumonda.

Realisaziun dal böt da la fundaziun

² Per l'inoltraziun e pel trattamaint da las dumondas sun ils art. 3 fin 8 da quist reglamaint decisivs.

Art. 3

¹ Las dumondas sun d'inoltrar al secretariat da la fundaziun.

Inoltraziun da dumondas

² Üna pretaisa da prestaziun nun exista.

Art. 4

¹ Las dumondas ston cuntegner impustüt:

Cuntgnü da las dumondas

- a) descripziun da l'operusità, resp. dal proget chi dess gnir sustgnü, cun indicaziuns a regard la gruppe in mera, necessità e böts;
- b) büdschet cun indicaziuns sur da las entradas e sortidas, sur da las aignas prestaziuns dal petiziunari e da prestaziuns finanzialas procuradas tras terzas personas;
- c) noms ed adressas da las personas respunsablas;
- d) pro societats e otras personas juridicas, statüts sco eir rapport annual cul rendaquint dals ultims duos ons da gestiun.

Art. 5

Trattamaint da la dumonda

¹ In convegna cun la presidenta o cul presidnet prepara il secretariat las dumondas a man da cussagl.

² Per cumpletar las petiziuns pon gnir dumondadas ulteriuras infuormaziuns pro'ls petents sco eir üna posiziun tras rapreschantants perits dal cussagl, opür pro persunas dal minster na infarinadas.

³ Il cussagl po approvar la dumonda eir be parzialmaing opür colliar l'acconsentimaint da contribuziuns ad obligs.

⁴ La decisiun dal cussagl po gnir tratta sün via circulara, sch'ingün da las commembras o dals commembers nu pretenda discussiun a bocca.

⁵ La decisiun dal cussagl es definitiva.

Art. 6

Dürada da trattamaint

Sur da dumondas ha il cussagl da decider per regla infra quatter mais daspö l'inoltraziun. Pro decisiuns sün via circulara per regla infra duos mais.

Art. 7

Dovair da render quint

¹ Instituziuns e persunas chi sun gnüdas sustgnüdas han da rapportar al cussagl pro la finischiun da proget - pro sustegns cuntinuants adüna a la finischiun da l'on chalendar - sur dal andamaint dal proget e sur dal adöver da las contribuziuns attribuidas.

² Pro'l rapport es da metter pro il quint final. Sün pretaisa es d'agredir al cussagl invista in la contabilità inclus ils muossamaints.

Art. 8

Restituziun

¹ Scha las contribuziuns nu vegnan dovradas pel scopo manzunà in la dumonda, o scha talas vegnan dovradas be per part, ha il cussagl il dret da pretender inavo talas dal tuot o be per part e da tegner inavo imports amo na pajats. Il medem dret ha il cussagl, scha las ordinaziuns da quist reglamaint o ils obligs vegnan ferits.

Quist reglamaint es gnü decis in la sezzüda dal cussagl da fundaziun dals 15 avrigl 2021 ed aintra subit in vigur.

Il president:
Jachen Erni

Commember dal cussagl da fundaziun:
Gion Peider Mischol